



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Obedientia excellens.

urn:nbn:de:hbz:466:1-41515

Pontifex accepto libenter volumine, etiam libenter vt Pater indulgentissimus vacationem dedit. Quare cognita Canisius plurimum se, & Pontifici, & Euerardo debere professus, totum se ex arbitrio Prouincialis suspendit, Christum Dominum rogans, vt collatum in indignum se beneficium ritè intelligeret, & fructum ex eo sibi, aliisque congruentem legitimè colligeret, quicquid demum sibi laboris, & oneris demandetur, nullum posthæc verbum de mutanda conditione commutaturus. Amisimus per hæc haud dubiè grauissimas de Petro disputationes, vnde omnium hæresum vno quasi ictu iugulum petebatur, Romanæ Ecclesiæ primatu constabilito. Ceterum obedientia hæc (cum quidem iam inde à principio tertiam sibi illam destinasset concertationem, & multa ad eam præclara obseruasset, excogitasset, seposuisset, & iam fama operis egressa expectationem omnium excitasset) videtur mihi monumentum, quodcumque stylo edere potuisset, admirabilius. Nec aliter iudicabunt opinor, qui norunt quam difficile sit conceptum tenere sermonem: quiq; tanto sapientia illa inferiores per obstantia omnia ad editiones nituntur, publi-

*Obedientia ex-
cellens.*

publicum rati, si modesti sint. Expeditus ea quasi
muta declamatione, mortuoq; magisterio obe-
diens Doctor ad vocalem pugnam, viamq; do-
ctrinā accingitur. Ieiunij Magni tempore Gui-
lielmo Duis Alberti filio Principi Landeshutæ à
sacris concionibus fuit annis duobus continuis.
Quo tempore cum alia effecit apud Principem,
tum vt aulicos quosdam ad officium reuocaret,
vtq; nouas, & amplas indulgentias vni, alterique
Bauariæ Templo, OEttingensi, opinor, & Don-
tenhausiano quæ religionis gratia peregrini cele-
brant, impetraret; tum vt libros salutare sua co-
emptos pecunia passim inter populum sparge-
ret. Turcam etiam quendam Catechismo infor-
matum præclara cæremonia sacris aquis admo-
uit, magno totius populi motu ob splendorem,
ac Maiestatem sacrorum rituum, & adiunctas
Indulgentias, quas ipse Canisius & impetrarat à
Nuntio Apostolico, & magnificè promulgarat.
Libenter autem apud talem virum, ac Principem

fungebatur eo munere legatus Christi, quod in-
signem ille præ se ad pietatis cultum propensionem
ferret, in visendis, & consolandis ægrotis sedulus
(verba Canisij sunt) in aula sua bene constituen-

p

da se-

*Concionatur
Guilielmo
Principi Ba-
uaro.*

*Laus Gui-
lielmi.*